

քան բռնի իսլամացումներէց յետոյ, վերջին պատերազմի սկզբին դարձեալ քսանուչորս Հայ գիւղեր գոյութիւն ունէին: Խոտորջուրն իր եօթն թաղերով, Սպեր-կենդրոնաւան, Կարմրիկ, Վ. եւ Ս. Փրթիկներ, Նիխալս, Կուդրաշէն, Խանքաձոր, Կաղմխուտ, Ծետկոնց, Մոխրկուտ Վ. եւ Ս., Կաբան, Բաղի, Թորոսենց, Բաղդասարենց եւ Փրտիկներ:

## 2.

Բաճի եւ Պալխարի Հովիտը:

Ճորոխը Կիսկիմից դէպի Հիւսիս ուղղուելով աջ կողմից ընդունում է նախ՝ Պալխար վտակը, որն սկսում է Քաջկար կամ Քաջքար (10, 715') լեռներից, որը Պալխար լեռնաշղթայի մի շարքն է, քառասուն կիլոմետր երկարութիւն ունի, քառասունի չափ առուակներ միանում են վտակին աջից ու ձախից մինչեւ Ճորոխին խառնունքը: Պալխարի աղունքում Քաջքարի լեռներում կայ մի փոքրիկ լճակ իր ճահիճներով, որ Յովտակ (Այդր) է կոչւում: Պալխար վտակը արեւմտա-հիւսիսից արեւելա-հարաւ է ուղղուած աղունքից մինչեւ խառնունքը: Առաջին մեծ առուակը, որ միանում է ձախից՝ Հինդկարիին է, որ բղխում է Հինդկարի լեռներից, իջնում է միեւնոյն ուղղութեամբ Պալխարի հետ եւ միանում է 17—18 կիլոմետր առաջ դնալուց յետոյ Պալխար աւանի